

蘧齋詩話卷之三

天虛我生著

胡蘊山錄示熊伯恥孝廉新聲古怨詞一首云花風掃雲紅芳歇  
絃彈落相思月美人晏起顰蛾眉蘭心不展丁香結羅幃半捲鴛衾  
斜昨宵好夢留些些氤氲香縷任來往銀屏珠箔愁天涯銀屏咫尺  
天如夢隔林鸚語勞深貢羨爾雙棲碧沼禽何絲一跨丹青鳳東鄰  
刀尺西鄰剪機上流黃驗深淺寂坐翻憐春夜長星河明滅波聲遠  
借美人香草以寫時事置諸溫李集中幾不可辨劉幼雲大學監督  
攜之京師傳誦一時孝廉名光柴桑望族詩名冠汪西曾主虎林騷  
壇牛耳人皆仰之如泰山北斗不矜才不恃貴有一枝之長雖屠沽  
亦締爲知己陶情詩迺賤視黃舍大有古名士風範

又熊伯恥先生湖上吟云主人有酒盈一石邀我蘭橈泛空碧主人

情比湖波深興發還爲湖上吟放再却向三潭口湖光在眼盃在手  
亭臺也欲渡湖來水上羣峰變龍走小春天氣如早春笑譚主客皆  
精神天公有意勸行樂撲去襟懷三斗塵彭蠡夷曠高莊遂曲折高  
低紛向背一步一轉一境深每逢佳處輒留憩全湖景物妙吐吞萬  
竹軒牕綠虧蔽一艸一木一石妍想見更番商位置小仇池與小瀛  
洲芥子須彌參一致酒杯重疊茶杯續竟日遨嬉觀不足肴饌都霑  
蘭藻馨僮奴儘丐清閑福瞥看矮几畫秋枰使我無端生感觸袖手  
旁觀著子難最憐時局如棋局此間舊是帝王都鳳舫龍舟今有無  
廬居何必屬我輩嘯歌且合歸吾徒花港觀魚近荒茸天書猶被湖  
山寵于公墓道蠹新碑整肅衣冠一神竦千齡萬代事孔多千秋萬  
歲名如何時癸卯九月廿六日作也詩才秀逸讀之齒頰生香

永樂村農張采薇嘗記其斷句如感事云別墅棋輸雙木屐南陽夢  
醒一茅廬卽景云流水落花胡蝶夢夕陽芳草鷓鴣天登春江第一  
樓云八面雲烟千里合一人冠履萬山朝書懷云黃泉也要稱雄鬼  
青史何堪署冷名萬事精神兵法治百年晷刻聖人爭豪傑斷無名  
士氣聖賢原是匹夫身磊落奇偉可稱傑作

知夢老人陳鐵如

寅有

梅花二十六宜咏極佳輕煙云沍寒庭院好

樓臺薄靄園林妙剪裁花霧半扶殘醉起篆雲時引暗香來微烘水  
墨無人賞小漾春痕昨夜開如夢如塵任縈繞何曾冰玉著纖埃微  
雪云輕陰旖旎斷仍連三素雲垂玉樹前吹得玲瓏彈得破詩難比  
擬畫難傳高寒畧警羅浮夢綽約剛逢姑射仙絮澹香初春尙淺一  
般花朵謝雕鐫佳月云皎皎晴空無片雲丰華絕代又逢君夢依逋

叟清何似影較姮娥瘦幾分玉照恰教冰鑑寫禪香如共木犀聞仙  
花世界圓靈相天上人間總出羣澹雲云一片非煙隔九霞輕盈點  
綴玉無瑕平舒白地光明錦來護青山歷亂花風蕩香痕柔欲化月  
臨疏影薄難遮誰將曲曲巫峯意畫入西湖處士家細雨云何時花  
事最清妍澹沱光陰靄霽天密密千絲初散影垂垂一樹正含煙潤  
分珠玉菁華秀養到文章色澤鮮知否春融香濕處詩情仍在灞橋  
邊晚霞云斜陽煖隰下遲遲妝點寒林此更宜岷雪三分濃設色胭  
脂一抹澹生姿清空乍散江天綺綯爛爭傳畫閣詩近接晴光無限  
好花身原託最高枝薄寒云不受塵埃熱惱侵不教冰霰凍深深爬  
沙雪小花真耐料峭風多鶴慣禁紙帳正回高士夢玉壺初澈美人  
心涼雲界畫春多少把臂相逢月滿林曉日云煖入南枝喜放晴曛



曉旭日徧江城嶺邊春雪依稀在天半朝霞爛漫生玉蝶千林開潔  
白金烏一色炫空明坐看檐曝移亭午更愛幽窗瘦影橫蒼厓云大  
李將軍著色山幾時渲染到花間石林鐵幹相摩盪野鶴孤雲自往  
還數點芳菲春刻露半峯斑駁古蕭閒螺屏列處香成國直把紅塵  
一例刪綠苔云孤山岑寂蘚文荒蘚積山深別有芳良約逢迎花楚  
楚幽尋來往徑蒼蒼雲階篆舊斜分影石壁衣新冷拂香殘雪乍消  
痕轉碧好畱屐齒印春陽珍禽云名園許借一枝安伴影收香嬾鳳  
鸞翠羽夢中春喚酒綠衣簾底夜憎寒賞心對語聯清友樂意關懷  
接古歡不是戀花行不得偶逢雲月亦盤桓孤鶴云花徑徘徊皓影  
隨閒眠閒立任襜褕天然伴侶癯相稱卓爾風裁潔可知絕俗有情  
纔耐久淩寒無恙便能奇仙禽古豔終依倚凡鳥塵英漫等差清溪

云玉立臨風寂寞濱  
澧蘭湘芷讓丰神  
半潭香動粼粼碧  
一鑑光搖瑟瑟春  
印出詩心明似月  
照來花影瘦於人  
居然洛浦凌波致  
爭共煙霞結比隣  
小橋云畧約朱闌樹  
半遮揚州廿四漫  
爭誇虹腰冷臥三  
弓短雁齒春排一  
徑斜曉踏殘霜宵  
踏月旁通流水上  
通花模糊記得前  
溪曲曾把吟鞭指  
段家竹邊云新陰  
排出玉琅玕密邇  
名花覆畫闌綻蘂  
半含霞點點抽梢  
平界月團團紅羅  
雪外分春豔翠袖  
風前倚暮寒清夢  
幾生修得到天教  
麗影伴檀欒松下  
云疏青偃蓋倚空  
壇露覆仙葩美蔭  
寬漏月有香春一  
笑挈雲得勢影孤  
蟠山靈舊識同花  
癖竹友相依共歲  
寒長抱冬心與終  
古滿天風雪任漫  
漫疏籬云別開生  
面境偏幽野致蕭  
然孰與儔鶴守不  
辭松雪夜蜚曉曾  
記豆花秋玲瓏月  
繪橫斜影冷澹香  
通清淺流玉蘂靜  
宜鄰晚菊

酒人詩侶鎮句留明窓云輕紗如畫護吟窠院宇深沈花氣和紙罽  
春寒林際引香邊人影鏡中過幾樗光豔舒雲母一幃清輝戀月娥  
窈窕正寒西嶺雪凍雲妝出玉婆娑銅瓶云深山採取數枝芳位置  
圖書鐘鼎旁片玉得依秦漢器瓣香兼供水仙王雲雷文古瓊華潤  
冰雪痕新斐几光清絕一龕誰伴者擬教添設孟襄陽紙帳云珍重  
銀光更麥光製成輕幔護寒香銷金自冷春原煖絨玉能溫雪任涼  
僅許鶴同仙共坐果然花與夢俱忘會看翠葉添帷幄結實和羹覆  
嶠長石枰對局云靈境幽深變愈奇林間坐隱澹相宜香生古洞乾  
坤小劫打空山日月運向上初花覘晚節爭先一著占當時斧柯爛  
後春依舊未許穠桃豔李知雪隴烹榛云瓊霏石鈹帶冰煎化作中  
冷活潑泉顧渚微波吹灩灩林家幽夢記翩翩早過秋露葭霜後宛

屈春風穀雨前禪榻鬢絲知好在北窓輕颺落花煙影伴橫琴云綠  
華含笑月微明綠綺新調夜復清萬仞嶺邊香雪海七條絃上水雲  
聲天機喻指原非指花樹無情亦有情解識箇中元妙趣芬芳不礙  
道心生香間弄笛云尋花何事爲花畱倚曲禁寒更倚樓白雪山中  
無俗耳綠波江上有春愁直將對月懷人意吹入歸風送遠舟對此  
難忘清况味水龍吟罷興悠悠美人澹妝簪戴云彷彿殘英點壽陽  
分明縞袂下含章鏡添丰致釵添韻花助精神玉助光未必雪能爭  
媚媚自然雲亦想衣裳北方獨立嬋娟子競爽真宜第一香名流靜  
夜敲詩云冰霜煅鍊出新詞詞雜仙心得所師神往斷橋流水外興  
高燈炮酒闌時千花煥映春歸早一字吟安月上遲刻畫清華同不  
睡拚教撚落數莖髭